

Hab. in sabulosis et saxosis maritimis insularum Græcarum, Naxos (Tournef., Oliv!, Heldr!, Sart!), Melos (Urv!), Syra (Auch. 3508!), Creta in collibus Acrotiri et Malaxa (Raul!), Tenos (Sart!), Thermia (Sart!), prope Byzantium (Cadet de Fontenay in herb. Heldr!). Fl. Mai Jul.

Semipedale et pedale, folia 2-4 pollices longa, capitulum cum ligulis sesquipollicare.

2. **H. Laconicum** Boiss. et Heldr., totum aspero-scabridum, foliis radicalibus elongatis pinnatisectis sublyratis segmentis ovatis vel oblongis obtusis dentatis versus basin folii diminutis terminali submajore, rachide lobulatâ, caulinis paucis valde diminutis acutius pinnatifidis, caule elato rarius simplici sæpius dichotome ramoso 3-8-cephalo, capitulis longe pedunculatis magnis ovatis, involucri phyllis numerosis arcte imbricatis coriaceis obtusis ab externis ovatis ad interna ciliatula elongatis, ligulis luteis basi purpureis involucri duplo longioribus, receptaculi paleis fructiferis auctis deciduis seriei exterioris late ovatis abrupte caudato-lanceolatis facie internâ basi plicatâ achenia radii includentibus, seriei interioris spongioso-incrassatis transverse bullato-rugosissimis facie internâ profunde sulcatis non fructiferis, acheniis radii tenuiter cylindricis membranaceis glabris paleâ inclusis eâque triplo brevioribus, pappi paleolis 6-7 linearibus abbreviatis fragillimis trifidis laciniis lateralibus brevibus intermediâ in setam longam scabram abeunti, acheniis disci liberis oblongo-linearibus subcompressis sulcatis villosis, pappi achenio 4-5 plo longioris radiis 15-20 indivisis externis 4-5 brevibus setiformibus cæteris rigidis divergentibus a basi paleaceo-dilatatâ attenuatis scabris pallidis superne purpureis breviter plumosis ♀. *Catananche Græca* Fl. Pelop. non L.

Hab. in herbidis regionis inferioris Messeniæ et Laconia, ad Calamata (Gittard!), ad Palæochori, Anavryti, Androuvisti (Heldr!), ad radices montis Malevo (Orph!), in monte Menelao Laconia orientalis (Sart!). Fl. Mai. Jun.

Planta 2-3-pedalis, folia radicalia $\frac{1}{2}$ -1 pedalia et longiora, facies præcedentis a quo eximie differt receptaculi paleis fructiferis biformibus, pappo biformi.

SUBTR. III. HYOSERIDEÆ.

CICHORIUM (L. Gen. 921).

Capitulum multiflorum. Receptaculum nudum sæpe subfavosum. Involucrum calyculatum. Achenia obovata vel obpyramidata pappo brevi 2-3-seriali paleolis vel setulis constante coronata. — Herbæ corollis cæruleis vel roseis.

§ 1. **Eucichorium** D.C. — Capitula multiflora, rami inermes.

1. **C. Intybus** (L. Sp. 1142) perenne, caule aspero erecto flexuoso sulcato dichotome et divaricatim ramoso ramis elongatis rigidis